



SALA STAMPA DELLA SANTA SEDE  
**BOLLETTINO**

HOLY SEE PRESS OFFICE BUREAU DE PRESSE DU SAINT-SIÈGE PRESSEAMT DES HEILIGEN STUHLIS  
OFICINA DE PRENSA DE LA SANTA SEDE SALA DE IMPRENSA DA SANTA SÉ  
BIURO PRASOWE STOLICY APOSTOLSKIEJ دار الصحافة التابعة للكرسي الرسولي

N. 0282

Mercoledì 30.04.2008

**LETTERA DEL SANTO PADRE ALL'INVIATO SPECIALE ALL'VIII CENTENARIO DELLA  
TRASLAZIONE DELLE RELIQUIE DI SANT'ANDREA APOSTOLO AD AMALFI (8 MAGGIO  
2008)**

LETTERA DEL SANTO PADRE ALL'INVIATO SPECIALE ALL'VIII CENTENARIO DELLA TRASLAZIONE  
DELLE RELIQUIE DI SANT'ANDREA APOSTOLO AD AMALFI (8 MAGGIO 2008)

In data 5 aprile 2008, il Santo Padre ha nominato l'Em.mo Card. Walter Kasper, Presidente del Pontificio Consiglio per la Promozione dell'Unità dei Cristiani, Suo Inviato Speciale alle celebrazioni dell'VIII centenario della traslazione delle reliquie di Sant'Andrea Apostolo ad Amalfi (Italia), in programma l'8 maggio 2008.

La Missione che accompagnerà l'Em.mo Card. Walter Kasper è composta da:

- Rev.do Mons. Carlo Papa, Vicario Generale dell'Arcidiocesi;
- Rev.do Mons. Riccardo Arpino, Presidente del Capitolo Cattedrale e Cancelliere della Curia.

Pubblichiamo di seguito la Lettera del Santo Padre al Suo Inviato Speciale:

• **LETTERA DEL SANTO PADRE**

Venerabili Fratri Nostro

**VALTHERO** S.R.E. Cardinali **KASPER**

Pontificii Consilii ad Unitatem Christianorum fovendam Praesidi

Si quidem meritum solet catholica Ecclesia cultum Sanctis cunctis tribuere, eos potissimum venerari consuevit, qui veluti Ecclesiae columnae habentur ipsiusque fundamentum. Inter hos quidem annumerandus est procul dubio sanctus Andreas, primus a Domino vocatus, cuius sacrae reliquiae quondam a Constantinopolitana urbe Amalfiam esse delatae perhibentur.

Nuper comperimus huius Apostoli exuviarum translationis octavam centenariam commemorationem apud Ecclesiam Amalphitanam-Cavensem die VIII mensis Maii congruenti cum sollemnitate celebratum iri. Ibidem enim, Amalfiae nominatim, Illius Apostoli memoria totum historiae cursum affecit, venustam celebratamque sacram aedem concitavit, peregrinatores undique gentium devocavit, orthodoxos fratres propemodum ad se arcessivit.

Quapropter libentes volentesque postulatis subvenire volumus Venerabilis Fratris Horatii Soricelli, illius Sedis Episcopi, qui, eventus ille quo magnificentius ageretur, a Nobis petiit ut eminentem Praesulem primas partes inibi acturum mitteremus. Ad te autem, Venerabilis Frater Noster, cogitationem convertimus, quem omnino parem iudicamus huic officio sustinendo. Itaque, magnam aestimationem Nostram significantes, te *Missum Extraordinarium* ad illum sacrum ritum agendum renuntiamus et constituimus.

Universis quidem huius commemorationis participibus cunctisque adstantibus secundam benignamque Nostram voluntatem ostendes, partes Nostras ages Nostraque auctoritate salutaria verba enuntiabis. Ipsius sancti Andreae demum in cunctos inibi fideles devocamus patrocinium, ut pietas ipsa firmiter roboretur latiusque amplificetur, in universos Christi asseclas, sancti Andreae auxilio, ut plena unitas attingatur. Benedictionem demum Apostolicam Nostro nomine impertias volumus, quae sit superni subsidii firmamentum et animorum renovationis incitamentum.

Ex Aedibus Vaticanis, die IV mensis Aprilis, anno Domini MMVIII, Pontificatus Nostri tertio.

BENEDICTUS PP. XVI

[00659-07.02] [Testo originale: Latino]

---